



BOSNIA AND HERZEGOVINA
Ministry of Human Rights and Refugees

Broj:09-34-1509-2/24
Datum: 28.05.2024. godine

Na osnovu člana 61.stav (2) Zakona o upravi („Službeni glasnik BiH“ brojevi 32/02, 102/09, 72/17) te člana 2. i člana 6. alineja 1. Instrukcije o postupku zaključivanja ugovora o djelu broj: 01-02-2-1969-2/20 od 24.01.2023. godine i broj: 01-02-2-1969-3/20 od 23.03.2023. godine, Ministarstvo za ljudska prava i izbjeglice Bosne i Hercegovine objavljuje

JAVNI POZIV
Za prikupljanje prijava za angažman moderatora

Naručilac posla, Ministarstvo za ljudska prava i izbjeglice Bosne i Hercegovine poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu za angažman jednog moderatora.

Ugovor se zaključuje na period od pet kalendarskih dana tj. od 02.07.2024. do 06.07.2024. godine.

Pripadajući honorar: 550,00 KM (neto iznos).

Izabrani moderator će biti angažovan na poslovima kako slijedi:

Priprema moderacije za 12. Kongres Svjetskog saveza dijaspore Bosne i Hercegovine (SSDBIH) koji će se održati 06.07.2024. godine (subota) u Plavoj sali na 4. spratu u zgradi Parlamentarne skupštine Bosne i Hercegovine sa adresom: Trg Bosne i Hercegovine broj 1, Sarajevo.

Obaveza moderatora je priprema moderacije pet dana prije konferencije, moderacija na dan konferencije, vođenje press konferencije Kongresa. Svu podršku u pogledu davanja informacija i materijala pružit će Ministarstvo za ljudska prava i izbjeglice – Sektor za iseljništvo i Svjetski savez dijaspore BiH. Moderator ima za obavezu dostavljanje teksta moderacije dva dana prije Kongresa radi eventualnih korekcija.

Očekuje se da će angažirana osoba aktivno sudjelovati, odnosno, moderirati Kongresom u Sarajevu, što podrazumijeva:

- Pripremu košuljice (tekst moderatora usklađen sa satnicom);
- Aktivno praćenje i učestvovanje;
- Podsticanje na interaktivnost među učesnicima (cca 100 učesnika);
- Redovno komuniciranje s koordinatorima aktivnosti;
- Izvještaj o održanom Kongresu.

Uslovi za apliciranje i potrebni dokumenti:

- Završen fakultet društvenog smjera (diploma VII stepena ili diploma Bolonjskog sistema sa ostvarenih 180 ili 240 ECTS bodova) – ovjerena fotokopija;
- Državljanstvo Bosne i Hercegovine (uvjerenje o državljanstvu ne starije od 6 mjeseci od dana izdavanja od strane nadležnog organa) – original ili ovjerena fotokopija;
- CV sa posebnim naglaskom na kvalifikacije i reference koje odgovaraju uslovima javnog poziva;

Zainteresirani kandidati treba da pošalju prijavu sa potrebnim dokazima (uslovima) preporučenom poštom ili lično na sljedeću adresu:

Ministarstvo za ljudska prava i izbjeglice Bosne i Hercegovine
Kancelarija protokola br. 107 (prvi sprat)
Trg BiH br. 3
71 000 Sarajevo

Sa naznakom: „Za Javni poziv prikupljanja prijava za angažman moderatora – NE OTVARAJ“.

Prijave se dostavljaju u roku od 8 dana od dana objavljivanja na internet stranici Ministarstva www.mhrr.gov.ba.

